

SEPTEMBER
2024

e-Lingua

3/2024



✓ <u>Chief Editor's Desk</u>	<u>2</u>
✓ <u>News & Reports</u>	<u>7</u>
✓ <u>Language Club News & Reports</u>	<u>16</u>
✓ <u>Image & Lifestyle</u>	<u>44</u>
✓ <u>Pet Lovers' Central</u>	<u>70</u>
✓ <u>Lecturer's Contribution</u>	<u>93</u>
✓ <u>Creative Corner</u>	<u>119</u>
✓ <u>The Team</u>	<u>131</u>





LANGUAGE CLUB

NEWS/REPORT



<u>Madrasah Visit</u>	17
<u>Frenchy F&B</u>	20
<u>Penyayang Charity Fun Run</u>	22
<u>A Roaring Good Time</u>	25
<u>MARAK</u>	27
<u>UiTM-MRIQ MoU</u>	30
<u>Open Mic Nights</u>	33
<u>CatChateau Transit</u>	37



Menyantuni Aspirasi Rumah Anak Kesayangan (MARAK): Komitmen Kelab Penyayang dalam Menyebarkan Kebaikan

*Oleh Noor Azli Affendy Lee, Ts. Dr. Mohd Ikmal Fazlan Rozli@Rosli
& Nur Fatin Shahmina Mohd Fauzey*

Kelab Budi Penyayang UiTM, Cawangan Pulau Pinang (UiTM CPP) terus mengukuhkan peranan mereka dalam membantu komuniti melalui projek Menyantuni Aspirasi Rumah Anak Kesayangan (MARAK). Program ini merupakan inisiatif berterusan yang bertujuan menyokong dan memberikan perhatian kepada Rumah Kebajikan Anak Kesayangan di Permatang To' Kandu, Permatang Pauh, yang telah menjadi rumah angkat kelab tersebut.

MARAK 2.0: Sumbangan Ramadhan untuk Anak-Anak Kesayangan

Pada 1 April 2024, bersamaan dengan 21 Ramadhan 1445H, dua orang penasihat Kelab Budi Penyayang bersama Timbalan Rektor (Penyelidikan, Jaringan Industri, Masyarakat & Alumni) UiTM CPP, Profesor Madya Ts. Dr. Kay Dora Binti Abd Ghani telah mengunjungi Rumah Kebajikan Anak Kesayangan untuk menyampaikan sumbangan Ramadhan. Aktiviti ini diadakan untuk menyalurkan bantuan kepada kanak-kanak rumah kebajikan tersebut dengan menyumbangkan barang-barang keperluan masakan. Disebabkan kuliah dijalankan secara dalam talian sepanjang bulan Ramadhan, para ahli kelab berada di rumah masing-masing dan tidak dapat menyertai aktiviti tersebut.





Jumlah sumbangan yang berjaya dikumpulkan sebanyak RM229.00 telah digunakan untuk membeli barang-barang seperti beras, sos, gula, marjerin, minyak masak dan keperluan dapur lain. Sumbangan tambahan juga diterima dari Hasani Books & Stationary yang menyumbangkan lima hamper makanan dan Puan Nazima Versay Kudus dari Akademi Pengajian Bahasa UiTM CPP yang telah menyumbangkan satu kotak tepung.



MARAK 3.0: Aktiviti Khidmat Masyarakat di Rumah Anak Kesayangan

Pada 1 Mei 2024, bersamaan dengan 22 Syawal 1445H, Kelab Budi Penyayang bersama-sama Timbalan Rektor (PJIM&A) UiTM CPP sekali lagi telah kembali ke Rumah Kebajikan Anak Kesayangan untuk menjalankan aktiviti khidmat masyarakat. Aktiviti ini disertai oleh 31 orang pelajar dan tiga penasihat kelab yang kesemuanya bersemangat menyebarkan kebaikan dan kegembiraan kepada kanak-kanak di rumah kebajikan tersebut. Bagi menampung perbelanjaan semua aktiviti, kelab telah menggunakan wang lebihan sumbangan yang diberikan oleh orang ramai serta tabung kelab. Para sukarelawan terbahagi kepada 3 kumpulan. Kumpulan Pembelajaran & Permainan membimbing kanak-kanak rumah kebajikan melalui aktiviti bahasa Inggeris menggunakan pendekatan "Total Physical Response" (TPR) dan juga sesi mewarna.



Aktiviti ini bukan sahaja membantu meningkatkan kemahiran bahasa Inggeris kanak-kanak tetapi juga memberi mereka peluang untuk berseronok sambil belajar. Kumpulan Penyediaan Makanan menyediakan juadah makan tengahari yang menyelerakan untuk semua peserta termasuk sukarelawan. Kumpulan Keceriaan Tempat pula bertugas mengecat koridor tingkat satu rumah kebajikan, menukar warna dinding daripada hijau dan coklat kepada warna putih yang lebih cerah atas permintaan pihak rumah angkat. Aktiviti ini telah memberikan suasana baru yang lebih menyegarkan kepada ruang tersebut.

Projek MARAK, baik dalam fasa 2.0 mahupun 3.0, berjaya mencapai matlamatnya dalam menggalakkan semangat kesukarelawanan dan empati dalam kalangan staf dan mahasiswa UiTM CPP. Program ini tidak hanya memberi manfaat kepada kanak-kanak rumah kebajikan tetapi juga membantu mahasiswa mengasah kemahiran praktikal dan nilai kemasyarakatan mereka. Sokongan dan kerjasama daripada pelbagai pihak telah menjadikan projek ini satu kejayaan yang signifikan. Kami berharap untuk meneruskan projek-projek yang bermakna seperti ini pada masa akan datang demi manfaat komuniti dan masyarakat secara keseluruhannya.